

# Tři žadanja sejma knježerstwomaj

**Z kubłanskej tematiku zaběrachu so čłonojo Serbskeho sejma na posedźenju minjenu sobotu w Ćisku. Woni rozjimachu a wobzamknjachu tři žadanja sakschemu a braniborskemu knježerstwu nastupajo wožiwjenje serbsčiny.**

**Ćisk** (SN/at). Přewšo emocionalna běše diskusija wo hnydomnych napravach, serbsku wučbu polěpšić. Na swójbnym přikładze rozprawješe sejmarka Aneta Zahrodnikowa z Ćiska, kotraž je zdomom člonka předsydstwa župy „Handrij Zejler“, njekompatibelnosć šulskich poskitkow we wokolinje za nawuknjenje serbskeje řeče. Jeje mlódšej džěsći stej sej dobru řečnu wědu na Serbskej zakładnej šuli Ralbicy přiswojiłoj. Swójba ma jězbu z linijowym busom do Budyskeho Serbskeho gymnazija za šulerjow 5. lětnika za njeakceptabelnu. Tak chodžeštej, kaž hižo najstarša džowka, na Wojerowski Lesingowy gymnazij. Syn tam hišće wuknje. Runoprawnu serbsku wučbu je swójba tam parowała, byrnjež so jara wo to prócowała. Z hórkim wuslědkom, zo stej so holcy w 10. lětniku „njezbožownej“ ze serbsčiny wotzjewiłoj, syn hižo w 7. lětniku. Zahrodnikowa řeči „wo džensa hišće žiwej diskriminaciji serbsčiny“. Přikład

Łužicy, tak wona měni, móhła kanadiska prowınca Quebec być, hdžež kóžde džěčo w šuli francošćinu a jendželšćinu winowatostnje wuknje.

Schwalene wobzamknjenje mjenuje tři žadanja Sakskej a Braniborskej. Maćernorečnu wučbu serbsčiny maćernorečnikam, cuzorečnu serbsku wučbu němskim maćernorečnikam, to mětoj wobě knježerstwje připóznać. Wědu wo serbskich stawiznach, kulturje, identiče a řeči na wšitkich šulach kraja posředkować ma we wučbnych planach obligatorisce zakótwjene być, a to mětoj krajey we wšědnej praxsy zwoprawdźić. Třeće žadanje měri so na analyzu tuchwilnych wobstejnosćow, zo bych wučbu serbsčiny zaručili. Sejmarjo prašaja so za ličbu tuchwilu aktiwnych pedagogow z předmjetom serbsčina inkluziwnje wotwidžomnych wotchadow staroby dla w přichodnych džesać lětach. Informacije z wobeju krajow žada sej Serbski sejm dale wo fachowych wučerjach, kotřiž móža w serbskej řeči wuwučować, wo ličbje podawaných kaž tež wupadnjených hodžin w předmjeće serbsčina kaž tež wo ličbje šulow, hdžež njeje so minjene pjeć lět poradźiło, přecu staršich za poskitkom serbskeje wučby wotpowědować.